

詩選一曰崑玉集安永癸巳二月十二日歿享年八十葬于城南政秀寺。

千村諸成字伯就一字力之號鸞湖又笠澤通稱總吉。

夢澤子寬保中為近侍居職五年以病免又起為先手

物頭祇役江戶越歲而歸遂致仕與友人來往唱酬以

為娛天資敏妙弱冠學詩於石鳥筑波藝名受畫法於月

僊淨土宗僧俗氏丹家參茗理於曲全齋性尚儉素況愛不黨人

皆謂每與鸞湖語輒忘懷塵務寬政庚戌六月晦日歿

享年六十四葬于先塋側所著有自適園集行于世鸞湖

有二弟仲知亮字識明號鳳山幼有淑質其詩雁行鸞湖季春友字東萊號駒嶽從父受句逗稍長學醫於櫻

井挑山名父歿後之他邦資性孝友廉直而不常其居嘗冬月遊伊勢塗見寒者輒脫衣而與之寬政己酉客死于伊勢四日市享年五十二

天木時中通稱善六其先世大和字智郡人應永中移

居于尾張稱越智氏後改天木父曰光玄善六以元祿

丙子生於智多郡須佐村幼從小出侗齋受句逗其成

誦曉義已異常兒弱冠遊江戶從學佐藤直方通稱五郎左衛

門親炙才九月直方歿善六為服心喪期年而還鄉時

年二十五常往來京長島侯名正忠增山氏任對馬守聘召之留五

年後卜居于京聚徒教授家貧自炊有姊寡居養之尤

厚為人朴實剛介勇為義喜聞過勤學奮勵忘寢食嘗

在江戶為稻葉迂齋名正獨守其舍恐炊烹妨業旬日不舉火食脫粟飲水而讀書遂患泄瀉人或勸少加攝養善六笑而不答在京就正三宅尚齋名重尚齋愛其才遇之異衆欲以嘗所營培根達支兩堂附之而不幸罹病遂歿元文丙辰九月十六日也享年四十一先歿二日自知其不起區處家事無遺漏會生徒戒以朱子臨終之訓其言貌不異平日云墓在京東鳥邊山所著有為貧說命說氣塊然筆記調息箴筆記祠堂制祭四世說五服飲食居處制訓兒書等

松平秀雲字子龍號君山又龍吟子通稱太郎左衛門

本氏千村幼而岐嶷七八歲讀書作詩學無常師既長松平久忠以其女妻之且乞為嗣享保甲辰襲祿寬保癸亥為書物奉行博聞強識自諸子百家至野史稗說無不涉獵焉詩文亦下筆直成資性愷悌愛人就學者多國中有名之士多出其門嘗奉命編選尾張府志士林泝洄等數十部又有命采舶來藥卉菜菓之有益民用者相地之所宜種之前後得賞賜數焉明和甲申朝鮮使來聘過府下館城南性高院君山携其子霍山及孫伯邦唱和於賓館使人南秋月名玉嘉嘆曰三世一席各贈瓊篇希代之珍也編其詩曰三世唱和行于

世天明辛丑致仕。癸卯四月十八日歿。享年八十七。葬于城南性高院。所著有年中行事故實考。本草正譌。弊帚集。表海英華。孝經直解。樂府尋源。群書品節。博覽錄要。詩經國風衍義。南軒日課等。尾張府志及岐阜志畧。木曾志畧。事蹟錄四編。則藏在官庫。不布于世。

松平忠武字純臣。號霍山。通稱三左衛門。君山子。為人質慤。事親至孝。已老弗衰。受家學。善詩。延享乙丑。君山蒙命修撰圖書。每命霍山佐其事。丁卯。賜月俸。爾後數賜金以賞其勞。天明辛丑。君山致仕。霍山當嗣。以多病。請以其子秀彥承祖辭。俸養病。允之。而賜俸如故。丙

午三月疾病。以十月歿。享年六十八。葬于性高院中一行院。所著有詩集若干卷。霍山子秀彥字伯邦稱九兵衛亦好學

關弘字子光。號祖洲。通稱安之進。美濃大垣人也。遠祖曰勝興。從戶田氏於肥前島原。役有戰功。子孫世仕大垣。父曰勝智。祖洲為人質直。不好阿諛。常閉戶讀書。及壯。有志四方。乃以母弟為嗣。東遊從荻生徂徠而學。又去入京。力學不窺園。十年。人皆信敬之。寬保壬戌始來。尾張講學。門人日進。名高一時。乃承命登國校。講說累歲。寶曆癸未。賜月俸。安永癸巳八月七日歿。享年七十五。葬于城南天寧寺。

闕嘉字公德初名照字公乘號元洲通稱進治祖洲子幼好學  
 善詩父歿繼業安永己亥賜月俸會細井平洲從駕  
 就國一語而合遂從遊江戶期而歸門人益進時國家  
 大宗儒業建學選士元洲乃釋褐都講及明倫堂成更  
 都講稱教授班秩從加平洲間歲從駕於江戶元洲  
 攝說書讀書每遇難義必探索其義而註行間故家書  
 朱墨殆遍亦善書畫文化丙寅二月四日歿享年五十  
 四葬于先塋側所著有說苑纂註律數揚確等行于世  
 蟹維安字子定號養齋又東瀛通稱佐左衛門安藝人  
 也幼而來尾張育于布施氏因冒其氏暮年復本氏資

性英邁五歲寫字七歲讀書十歲講四書既長入京受  
 業于三宅尚齋尚齋設培根達支兩堂於勘解由坊特  
 幹事者五人稱五舍長養齋其一也多田維則久米順  
利石玉當先井澤  
剛中養齋學成再來尾張教授為業延享甲子官賜月俸寬  
 延戊辰營講堂於城西巾下官賜金若干以資之嘗為  
 門人著諸生規矩諸生階級二編於是進之戴公  
 公大善之以明倫命堂親書以賜門人益盛後有故  
 辭俸去如伊勢桑名厥後萍浮四方深以道自任不阿  
 權勢不慢卑弱以闡正學排邪說為務後在伊勢浦田  
 而歿安永戊戌八月十四日也享年七十四葬于藤波

神主山所著有讀書路徑勸學武家須知初學心法為學準的學準教則寓言譬艸教兒法訓兒名修身急務眼鏡小學句讀辨讀小學記居家大事記士庶喪祭考火葬辨孝經句解歲差閏法諺解放伐問答堂室圖解校正八陣圖八陣圖國字解日本樂說猿轆問答制律捷法讀律呂新書記周易本義疏易學啓蒙國字解洪範全書指要皇極內篇筮卜儀治邦要旨天命問答文章筮蹄詩學指要歷代圖辨異編辨復古辨二學書非徂徠學等

中西維寧字文邦號淡淵通稱曾七郎父曰福尾維幸

仕本府為騎士屬國老竹腰氏竹腰家宰中西昌貞無子養淡淵為嗣幼時朝鮮使過府下見淡淵於途止輿謂曰此兒不凡後必施聲譽與之筆墨而去既而讀書賦詩大過人及長身長六尺手垂膝資性溫和動止鎮靜雖家人不見喜愠之色專精力學自經史百家至陰陽卜筮相法醫方皇國典故靡不究覽寬延庚午竹腰氏祇役江戸淡淵從焉門人愈盛於是主特命留江戸寶曆壬申七月十五日病歿于芝三島巷寓舍時年四十四葬于增上寺中瑞華院所著有淡淵集

堀田方舊字維新號恒山通稱治右衛門世仕本府父

曰正英。恒山為人敏博。善屬文。為松平君山高第。率勉後進。多所獎成。歷諸職。為先手物頭。既致仕。寄心事外。道遙自適。寬政辛亥七月二十日歿。享年八十三。葬于城南總見寺。所著有護花關錄稿及隨筆若干卷。中村政峯號厚齋。通稱覺藏。本府世臣也。父曰政順。厚齋為人剛而敏。少受業于小出侗齋。侗齋歿。從麟養齋事之。猶子。事父讀書。了義實踐。體察家道。一依朱子家禮。始制祠堂。至今子孫堅守其法。云。安永己亥四月二日歿。享年六十八。葬于城南瑞寶寺。

中村蕃政號習齋。通稱猪八。厚齋弟也。資性篤實謙虛。

初受業于小出侗齋。未得要領。及見麟養齋。深信其教。潛心經學。刻意憤勵。昕夕不倦。遂大成其業。至天文地。理兵法醫術律曆。無不研究。馮弟子盈庭。教授之暇。鍊武技。每朝習射。且試劍。皆有定度。至老不廢。凡日間所為。嚴立課程。不一日怠。故有所學無不達。但於詩過中年。不復作。曰。模擬剽竊大害。心術矣。有贈之詩者。乃深謝之而已。偶有所感。詠和歌。以抒其懷。為人沈靜。動止有則。言語不苟。處事周密。教人方正。專崇德行。痛抑浮文。安永丁酉。官賜月俸。尋命如江戶。講經於內殿。數有賞賜焉。居二年。歸國。寬政己未春病篤。猶為門人說。

書不已。公特恩賜銀。四月二日遂不起。享年八十一。葬于城南瑞寶寺。終身不娶。所著有經學總要一軌圖。一軌圖資講。吾鄉小學講餘。家禮講義。家禮新圖。家禮圖評。喪禮俗儀。祭禮小儀。神主題名類說。神主制諸說。花心餘情。秤停過。大學講義。浪華錄。有孳孳錄。孟子講義。放伐講餘。詩經講義。讀書經蔡傳。讀易本義。私記。讀易學啓蒙。易學要畧。易學口號。占筮問答。諸家占筮說。參兩考。太極圖說解講義。讀程氏易傳記。春秋國君世代曆。左傳人名。左傳系譜。唐鑑筆記。治水條目。治水考。受讀須知。祭祀未格論。詩學則。歌學考。四十六士論。韻

學資講。原風錄。第二義劄。東武官邸記。戊戌紀行。庚子紀行。其他諸經傳說。雜劄類。無慮二百餘編。

尾張名家誌初編卷之上

281.  
1.


肩別及身言

卷三

三

身辰令辨片

--	--	--	--	--	--	--	--	--	--	--	--	--	--	--	--	--	--	--	--







尾張名家誌

下

281
2

0 1 2 3 4 5 6 7 8 9 10 11 12 13



尾張名家誌初編卷之下

後學 細野忠陳子高 著

儒林

秦原丕字子恭號峨眉。義濃人也。弱冠東遊。受業于服部南郭。喬名元又學書于細井廣澤。慎名知業成。來尾張。從學者多。為入寬弘。未嘗強人以其所不能。而薰陶之。至人皆不覺化之。故賢愚皆愛慕焉。天明壬寅客于刈谷侯。名利德土井從侯往來江戶。且數來遊尾張。寬政辛亥三月。復在其子滄浪家。忽發病。經時不愈。親屬請所